

Ulvik fjellstyre - Årsmelding 2017



Ny kledning på Lengjedalsbua

Foto: Harald Normann Andersen HF

INNHALD

1. Ulvik Statsallmenning	2
2. Ulvik Fjellstyre	2
3. Fjellstyrehytter	3
4. Jakt	5
4.1 Villreinjakt	5
4.2 Småviltjakt	7
5. Fiske	9
5.1 Stongfiske	9
5.2 Garnfiske	10
6. Tiltak i statsallmenningen i 2017	11
6.1 Oppsyn	11
6.2 Tilsyn og reperasjon av hytter	11
6.3 Informasjon	12
7. Oppsyn/sekretærordning	12

1. Ulvik statsallmenning

Statsallmenningen i Ulvik dekkjer med sine 400 km² vel 57% av arealet i heradet.

Av dette utgjer netto høg fjellsareal (villreinarealet) omlag 363 km². Det er omlag 20 fiskevatn innanfor allmenningen, med eit areal på omlag 20 km²

Den delen av Hardangerjøkulen som ligg i Ulvik statsallmenning utgjer omlag 20 km².

Allmenningen grensar mot Eidfjord i sør, mot Hol i aust, mot Aurland i nord og mot private område i Ulvik i vest og på Hallingskeid.

Det meste av allmenningen ligg høgt, og det kan godt vere skiføre til midtsommar.

Dette gjer at sommarsesongen kan verte kort, særleg med tanke på fisket i området. Den vestlege delen av allmenningen er heller kupert, med mykje snøfenner og småbrear. Lenger aust flater terrenget ut og vert meir frodig.

Delar av vestlege delen av allmenningen er prega av kraftutbygging, med fleire store magasin.

Bergensbanen skjer gjennom allmenningen frå Storurdi i aust til Hallingskeid i vest. Dette gjer at allmenningen på mange områder er ulik dei andre statsallmenningane på Hardangervidda. Mellom anna er det mykje hytter i området rundt Finse. DNT si turisthytte Finsehytta og hotellet Finse 1222 ligg innanfor allmenningsområdet. Universiteta i Oslo og Bergen driv Finse forskningscenter.

Delar av allmenningen er underlagt forskjellige formar for vern og regulering:

Den søraustlege delen av allmenningen i området kring Hardangerjøkulen ligg innanfor Skaupsjøen / Hardangerjøkulen landskapsvernområde. Dette vart verna i samband med opprettinga av Hardangervidda nasjonalpark i 1981.

Heile allmenningen er frå 1997 del av ein felles kommunedelplan for villrein i Nordfjella /Hardangervidda villreinområde

Området mellom Finse og Lågheller er regulert av Ulvik herad i eiga reguleringsplan frå 2001. Her er det mellom anna telteforbod og jaktforbod.

I 2006 vart Hallingsskarvet nasjonalpark og Finse biotovernområde oppretta.

Nasjonalparken dekkjar den delen av Ulvik statsallmenning som ligg nord for Bergensbana frå grensa mot Hol heilt vest til og med Svartavatnet i Såtedalen.

Biotopvernområdet dekkjar 6735 dekar på Finse.

Omsynet til villreinen eit viktig element i alle desse verneområda.

2. Ulvik fjellstyre

Fjellstyret er for perioden 2016 - 2020 samansett slik:

Knut Sygnestveit, leiar

Stig Yngve Røkenes, nestleiar

Atle Ulgenes, styremedlem

Lars Helge Ljone, styremedlem

Ingrid Sponheim, styremedlem

Representant villreinutval Hardangervidda: *Atle Ulgenes, vara er Oluf Fønnebu*

Representant villreinutval Nordfjella: *Stig Yngve Røkenes, vara er Ingrid Sponheim*

Knut Sygnestveit møter i Fjellstyra på Hardangervidda, FH.

I 2017 vart det handsama 23 saker fordelt på 4 møter.

3. Fjellstyrehytter

Ulvik fjellstyre har 9 hytter og buer i statsallmenningen. Av disse er 3 steinbuer som står ulåste, dei 6 andre hyttene er låste.

I tillegg er det naust ved Finsevatnet, Kvilinganutvatnet og Søre-Grøndalsvatnet.

Leige av fjellstyrehytter

Det kostar kr 125 pr døgn pr person for leige av fjellstyrehyttene. For buene er prisen mellom kr. 75-125 pr døgn pr person.


På Finsebu er det egne prisar.

Finsebu er framleis ein populær overnattingsstad, spesielt stor pågang er det i vintermånadane januar – april. Dei siste åra merkar me og større interesse for å leige hytta frå sommaren og utover hausten. Mange av brukarane kjem att, gjerne fleire gongar for året, i tillegg til nye som ynskjer å oppleve Finse og høgfjellet. Fjellstyret registrerte ein markant auke på utleige av Finsebu frå (kr. 74.730,-) i 2013 til (kr. 127.000,-) i 2014. Den gode trenden held fram og utleiga på Finsebu stoppa i 2017 på kr. 148.568,-.

Leigeinntekt hytter 2017

Finsebu	148.568,-
Sankebu	6.000,-
Ripsebu	6.375,-
S.Grøndal	5.775,-
Dyrahola	4.375,-
Memorgebu	1.000,-
Lengjedalsbu	525,-
Rundavassbu	75,-
Totalt	Kr 172.693 ,-

Leigeinntekter hytter 2003-2017



Litt om hyttene

Finsebu

Dette er den nyaste hytta til Ulvik fjellstyre. Hytta ligg på den gamle skyttarhustomta, og vart ferdig bygd i 2003 og klar til utleige på nyåret 2004. Det er 8 senger i hytta, men brannforskriftene godkjenner overnatting for 9 personar. Det vart bygd ny snurredass vinteren 2011. I naustet ved Finsevatnet er det båt, utfiskingsgarn og ruser.

Memorgebua

Dette er ei steinbu som er låst. Bua er utstyrt med omn, propanapparat og kjøkkenutstyr for 2-3 personar.

Søre-Grøndalen

Hytta er låst, og utstyrt med omn, propanapparat og kjøkkenutstyr for 4 personar. Det er 4 sengeplassar med madrassar i hytta. Det er båt i naustet ved Søre Grøndalsvatnet og 5 garn i hytta. I tillegg ligg uthuset med do tett inntil hytta.

Dyrahola

Låst hytte utstyrt med omn, propanapparat og kjøkkenutstyr for 6 personar. Det er 4 sengeplassar i hytta og hems med 6 madrassar. Det er 5 garn i hytta.

Ripsebu

Denne hytta er låst. Utstyrt med omn, propanapparat og kjøkkenutstyr for 6 personar. Det er 3-4 sengeplassar med madrassar i hytta. Det er båt tilgjengeleg for brukarar av hytta.

Sankebu - Austdalen

Hytta er låst. Bua inneheld vindfang/gang, soverom, opphaldsrom m/kokeplass, hems og utedo. Liggeplass for 4 personar.

Rundavassbu, Austdalsbu og Lengjedalsbua

Dette er 3 enkle steinbuer med omn og køyer. Buene står ulåste. Utbetringa av Rundavassbu er no ferdig, og ho er vorte eit koseleg krypinn for fiskarar, jegerar og turgåarar. Etter ei totalrenovering er no igjen Austdalsbu klar til å ta i mot turfolk. Bua var i særskildt dårleg stand og det var nødvendig med eit «løft» for å ho attraktiv som kvile -og overnattingstad. Det er propanapparat, bestikk, koppar og kar i alle buene.

4. Jakt

4.1. Villreinjakt

Ulvik statsallmenning er delt mellom to villreinområde; Nordfjella villreinområde nord for vassdraget som renn sør for Bergensbana og Hardangervidda villreinområde sør for vassdraget. På Hardangervidda villreinområde har Ulvik jaktfelt HA291, og i Nordfjella villreinområde har Ulvik jaktfelt NF600. Nytt av året var at alle jegerane skulle ta hjerneprøve frå eldre enn 1 ½ år gamle dyr. Det har tidlegare vore registrert fleire positive prøvar for skrantesjuka i sone 1 i Nordfjella. Det vart heldigvis ikkje registrert positive prøvar frå Sone 2 under jakta. Det skulle og takast prøvar på Hardangervidda. Her vart det heller ikkje registrert positive prøvar

Jakta 2017

Hardangervidda

Kvota i 2017 var på 6000 dyr fordelt på 2100 frie, 3900 simle/ungdyr og 3900 kalv på simle/ungdyr korta. Ingen av dei 26 dyra som vart felt på Ulvikkort vart skoten på Osafjellet. Forvaltningsmessig er Osafjellet ein del av Hardangervidda vilreinområde. Alle skotne dyr på Ulvikkort vart felt i annan kommune. 7 stk. i Nore og Uvdal, 6 i Vinje, 11 i Odda/Ullensvang og 2 i Tinn.

Resultat Hardangervidda:

<u>År</u>	<u>2017</u>
<u>Tildelt totalt</u>	<u>9920</u>
<u>Felt hannkalv</u>	<u>122</u>
<u>Felt hunnkalv</u>	<u>106</u>
<u>Felt hanndyr 1 ½ år</u>	<u>118</u>
<u>Felt hodyr dyr 1 ½ år</u>	<u>70</u>
<u>Felt hanndyr eldre</u>	<u>551</u>
<u>Felt hunndyr eldre</u>	<u>427</u>
<u>Felt totalt</u>	<u>1394</u>
<u>Fellings-prosent</u>	<u>14,1</u>

Nordfjella

Kvota i Nordfjella var i 2017 totalt 2050 dyr fordelt 1750 i sone 1 og 300 i sone 2. I Ulvik vart det felt 8 dyr (2 stk 1 ½ bukk, 2 stk bukkekalv, 3 vaksne simler og ein simlekalv) av ei kvote på 43 løyve.

Resultat Nordfjella

ÅR	2017	
	Sone 1	Sone 2
Tildelt totalt	1750	300
Felt hannkalv	78	8
Felt hokalv	56	2
Felt hanndyr 1 ½	51	4
Felt hodyr 1 ½	29	1
Felt hanndyr eldre	196	19
Felt hodyr eldre	172	26
Totalt felte dyr	582	60

Samjaktavtalar

Samjaktavtale med Øvre Numedal fjellstyre. 8 jegerar frå Ulvik kan samtidig jakte på Øvre Numedal statsallmenning nord for Lågen og vest for Langebuåni sør for Lågen. Ulvik gav frå seg seg 4 kort pr. jeger. Avtala mellom Ulvik fjellstyre og Rauland fjellstyre held og fram i 2017, men det var ingen jegerar som nytta seg av denne avtala i 2017. Fjellstyret har og samjaktavtale med Osa private fellesområde, Dalen, Slondal og Brauåne Grunneigerlag og Bagnstrond jaktfelt.

Villrein frå Nordfjella villreinområde har regelmessig byrja å bruke området sør for vassdraget på sørsida av Bergensbanen, som forvaltningsmessig er en del av Hardangervidda villreinområde. Det var lite dyr jegerane fekk sjå av desse under jakta. Heller ikkje i 2017 var det GPS merka Nordfjella dyr på sørsida av Bergensbana. Det kom inn meldingar om nokre bukkar langt aust i allmenningen seint ut i jakta.

Ulvik fjellstyre har i Nordfjella –og Hardangervidda villreinområde samjaktavtale med Osa private fellesområde ved Hallingskeid både på nord- og sørsida av Bergensbana.

Osa private fellesområde ved Hallingskeid

Avtalen trer i kraft 14 dagar etter jaktstart – altså 3. september. Frå denne dato kan jegerar med kort i Ulvik statsallmenning og Osa felles jakta på begge områda uavhengig av kva kort jegeren har.

Samjakta gjeld frå og med denne dato og fram til jaktslutt på Nordfjella villreinområde. For Hardangervidda villreinområde 30. september. Skilje mellom jaktvala er vassdraget som renn sør for Bergensbana.

Avtalen gjeld for 1. år, men kan fornyast med 1. år om gongen dersom partane er samde. Oppseiing må skje innan 1. februar i jaktåret. Avtalen gjeld til ein av partane seier opp avtalen.

Fjellstyrene og private jaktfelt i Nordfjella (Hemsedal, Ål, Hol, Lærdal og Ulvik)

Avtalen gjeld for jegerar som har fått utskrivne løyve/kort for alle statsallmenningar og kommunale eigedomar som de nemnde fjellstyrene har forvaltningsansvar for og private

jaktfelt som er med i avtalen.

1. PERIODE 1: f.o.m. 20.08. t.o.m. 31.08. :

I denne perioden har avtalen ingen praktisk betydning, da den ikkje opnar for samjakt over kommunegrenser. Avtalen er ikkje til hinder for at kvar kommune har interne reglar eller for at det opprettas andre separate samjaktavtaler.

2. PERIODE 2 : f.o.m. 01.09. t.o.m.10.09. :

I denne perioden har jegerar, som utøvar jakt på eige jaktfelt, rett til å fortsette jakta inn på allmenningar/jaktfelt som er ”grensenaboar”, dersom dette betrar moglegheita for felling av dyr. Dette gjeld og inngang frå/til privat jaktfelt, som er tilslutta avtalen. Elles jfr. punkta 4-5-7 og 8 nedanfor.

3. PERIODE 3 : f.o.m. 11.09. og ut jakta :

I denne perioden er det full samjakt mellom allmenningar, kommunale eigedomar og private felt som omfattast av avtalen. Elles jfr. punkta 4-5-6-7 og 8 nedanfor.

4. Denne avtalen gjeld f.o.m. måndag t.o.m. torsdag i kvar enkelt veke av jakta.

5. Jegerar som kryssar grenser til fots plikter å kalle opp på sikrings/jakt-radio, som har dekning, for å orientere seg om forholda på jaktfeltet, og for å varsle andre om at ein går inn.

6. Jegerar som i periode 3 vil inn på jaktfelt som omfattas av denne avtale, og som kjem med bil eller båt, plikter sjølvsagt også å ta omsyn til andre jegerar i området, og ikkje øydelegge for pågåande jakt. Dersom det er mogleg, bør jegeren gje seg til kjenne på jaktsamband.

7. Jegerar som nyttar seg av denne samjaktavtalen plikter sjølvsagt å ta omsyn til andre jegerar i området, og ikkje øydelegge pågåande jakt.

8. Jegerar som nyttar denne samjaktavtale plikter å ta med NF's valdkart og være godt orientert om aktuelle jaktfeltgrenser.

9. Brot på avtalen sine regler vert sett på som ulovleg jakt.

Inntekter

Kortprisar

Fritt dyr	1700,-
Simle/ungdyr	1000,-
Kalv	500,-

Utanbygds: Dobbel pris

Kortsalet ga ei inntekt på kr. **428.800,-** til fjellstyret. Nytt av året var at villreinløyva vart seld på Inatur.no. Trekking, tildeling og betaling skjedde via Inatur.no noko som gjorde at det vart mindre administrativt arbeid for dagleg leiar. Som tidlegare år måtte velreinløyva sendast pr. post til alle jegerane.

4.2 Småviltjakt

Jakttida for småviltjakt i Ulvik statsallmenning er frå 15.september til og med 23.desember Fjellstyret bestemte å innføre freding på li –og fjellrype i tre år frå hausten 2013 grunna låg bestand. Det har såleis vore jakt på dei andre småviltartane. Rypa har no vore freda i 5 år, og det er registrert bra med rype i 2017. Tida er no inne for å vurdere om ein skal opne opp for jakt på rype i Ulvik statsallmenning.

Jaktsesongen i tal (basert på innkomne fangstrapporatar)

Jaktdagar : 10

Lirype freda
Fjellrype freda

Kortsal

Salsstad	Døgnkort	Vekekort	Sesongkort
Finse stasjon	0	0	0
Kiosken	0	0	0
Turistkontoret	0	0	0
<u>Inatur</u>	<u>7</u>	<u>1</u>	<u>2</u>
Totalt selde kort	7	1	2

Inntekt småvilt kr. 1.900,-

Kortprisar

	Innanbygds	utanbygds
1 døger	100	100
1 veke	200	200
Sesong	400	500

Inntekter småviltjakt 2002-2017

År	Inntekt	Selde jaktkort
2002	78.100 kr	213
2003	58.959 kr	189
2004	50.000 kr	118
2005	59.700 kr	199
2006	69.600 kr	205
2007	48.600kr	104
2008	64.700 kr	162
2009	60.490 kr	189
2010	102.100 kr	342
2011	83.200 kr	234
2012	48.200 kr	151
2013	1.000 kr	4
2014	1.600 kr	11
2015	300 kr	2
2016	3.900 kr	15
2017	1.900 kr	10

Fangststatistikk 2003-2017					
År	Jaktdøger	Fjellryper	Liryper	Hare	Tilbakemeldingar
2003	178	229	6	0	65 kort
2004	133	185	2	7	49 kort
2005	160	213	0	3	53 kort
2006	150	161	5	3	53 kort
2007	14	14	0	1	12 kort
2008	123	75	2	0	36 kort
2009	64	26	0	0	28 kort
2010	325	100	3	3	133 kort
2011	305	118	0	7	100 kort
2012	158	54	1	1	62 kort
2013	6	0	0	1	4 kort
2014	12	0	0	1	11 kort
2015	2	0	0	0	2 kort
2016	12	0	0	0	13 kort
2017	10	0	0	1	7 kort

5. Fiske

5.1 Stongfiske

Selde kort via inatur.no, Finse stasjon, turistkontoret og Helling kafe

1 døger:	142
2 døger:	38
3 døger:	47
Veke:	15
Sesong :	5
Totalt:	247 kort

I tillegg er det seld fiskekort gjennom andre fjellstyre på Hardangervidda, det vere seg kort på Ulvik statsallmenning samt fellesfiskekort som gjeld Eidfjord, Ullensvang, Røldal og Ulvik statsallmenning.

Inntekt stongfiske kr. 43.854,-

Inntekter av fiskekortsal 2002-2017

År	Inntekt	Selde kort	Tilbakemeldingar
2002	16.353 kr	37	
2003	23.533 kr	49	13
2004	31.778 kr	60	21
2005	14.981 kr	31	9

2006	30.612 kr	72	14
2007	26.418 kr	76	0
2008	26.351 kr	148	2
2009	23.678 kr	117	5
2010	36.430 kr	219	31
2011	35.882 kr	179	23
2012	22.415 kr	132	7
2013	39.783 kr	213	9
2014	46.840 kr	271	15
2015	24.517 kr	65	7
2016	49.075 kr	253	10
2017	43.854 kr	247	12

Fiskekortprisar 2017

1 døger	60,-
2 døger	120,-
3 døger	150,-
Veke	250,-
Sesong	450,-

Fellesfiskekortprisar 2017

Veke	300,-
Sesong	500,-

5.2 Garnfiske i Ulvik statsallmenning

Fangsrapport 2017

Vatn	Kg. fisk	Snittvekt gr.	Tal garndøgr
Langavatn	60,3	500	572
Rundavatn	26,9	600	47
Kvilingavatn	0,0		4
Søre Grøndal	4,0	300	5
Olbogavatn	15,0	750	60
Kvilinganutvatnet	6,0	550	5
Totalt	112,2	540	693

Statistikken er basert på 23 innleverte fangsrapportar av 29 selde garnkort.

I tillegg er det meldt inn 78,2 kg som er tatt på stong i Langavatnet, dvs 17,9 kg meir enn det som er tatt på garn over 572 garndøgr.


Inntekt garnfiske kr. 12.600,-

6 Tiltak i statsallmenningen i 2017

Utførte oppdrag

Totalt har Hardangervidda Fjelloppsyn as utført 515 timeverk for Ulvik fjellstyre. Det er nytta mest tid til sekretariat, arbeid/vedlikehald og transport (ved, gass, og bos).

Fjellstyret gjekk til innkjøp av ein stor 12-14 manns lavvo som vart sett opp inst inne på Langavatnet. Intensjonen var at lavvoen skulle vere eit overnattingsalternativ for fiskarar andre brukarar av Osafjellet.



6.1 Oppsyn

Det vart utført litt oppsyn med garnfiske i statsallmenningen. Særskild garnfiskekontroll føregjekk i Langavatnet og Rundavatnet. Grunna lite dyr på Osafjellet under villreinjakta vart det ikkje oppsynspersonell til stades her i jakta.

6.2 Tilsyn og reparasjon av hytter

Generelt tilsyn og vedlikehald

Fjelloppsynet har helde eit generelt tilsyn med fjellstyrehyttene.

Det er gjennomført internkontroll av brannverntilhøva på fjellstyrehyttene. Me har ført tilsyn med brannvarslerar, eldstader, gasskokeapparat, brannsløkkingsapparat og skilting. Sertifisert personell har gjennomført kontroll med at brannsløkkingsapparat er i forskriftsmessig stand. Gamle apparat vart skifta ut der dette var nødvendig.

Gavlen i Lengjedalsbua er byta, og det er sett i nye glas.

Det er helde jamnleg tilsyn med Finsebu for å halde snurredoen i funksjon og sjå til at det er nok ved på hytta.

Det er transportert gass, ved og anna utstyr til hyttene, bos er frakta ut.

6.3 Informasjon

Fjelloppsynet hadde informasjonsteneste frå fjellstyrehytta på Tinnhølen på bolkar av to dagar fire veker i juli / august. Fjelloppsynet var og til stades under Røldalsmarknaden for å m.a. informere om skrantesjuka.

Samstundes som Hardangervidda fjelloppsyn har utført diverse oppdrag i allmenningen har det vorte gjeven mykje informasjon til jegerar, fiskarar og andre brukarar av fjellet.

Informasjonen har vore fisketips, turforslag, bandtvang, villreininfo, fjellrev o.a.

7. Oppsyn/sekretærordning

Ulvik Fjellstyre er medlem av Hardangervidda Fjelloppsyn AS.

Harald Normann Andersen har vore tilsett som sekretær for Ulvik Fjellstyre gjennom HF.

Sekretariatet er stipulert til om lag 300 timeverk i året. I tillegg har det vore utført diverse feltoppdrag i allmenningen.

Til slutt vil Ulvik fjellstyre takke alle frivillige som har vore med å bidrege på dei ulike tiltaka i statsallmenningen i 2017.

Knut Sygnestveit -s-

Stig Yngve Røkenes -s-

Atle Ulgenes -s-

Lars Helge Ljone -s-

Ingrid Sponheim -s-